

MAKKOVIUP INUIT NANATUKAIT KAVAMANGA

Maligatsaujuk Pidjutilik Aulataunitsaninginnut Nunalinnut Inungit.

IMAIMMAT namminiKannik ilonnainik nunaujunik tigumiattaungittunik atâgut sakKijâjuit namminigijaujuit iluani Inuit Nunagijanganik Makkovik-imi ilaujaujut Makkoviup Inuit NanatuKait kavamanga;

AMMALU IMAIMMAT Makkovik-imi Inuit Nunalet kavamanga uppigusujuk piunippaugajanninganik Nunalinnut ilisijuKappat malittaugialinnik aulatsigiamut Nunaup Nunagijanganik

MÂNNAUJUK ILIJAULILLI Makkovik-Imi Inuit Nunalet kaunsalingita imailingatillugu:

ILUMIUTAGIJANGIT

ILANGA 1 ILONNÂNI

- 1.1 Naittuk Taijaugusik
- 1.2 Tukigijangit ammalu UKausigijangit
- 1.3 Iijausimanninganut AngiKatigegutimmut tukittait
- 1.4 Pidjutigijanga tâtsuma Maligatsaliangujop
- 1.5 Pivitsaugialet Nunagijaujuni aulataugutilinni Ilonnainut Maligatsanut ammalu tâtsumunga maligalianguttitaujumut
- 1.6 Atugunnanet NunaKutiujumik
- 1.7 MaligatsaKannet ammalu Pijaugunnanet Pivitsait Atugiamik Nunagijaujumik
- 1.8 Iminik Kanuttogutilet Nunagijaujummi
- 1.9 SakKijânginnatuit NamminiKannet Nunamik AttutauniKaniangituk

ILANGA 2 AULATAUNITSANGIT NUNAGIJAUJUIT

- 2.1 kaunsalet kamagiaKanningit Aulatsinimmik
- 2.2 Namminiuttaugutet Nunalinni Nunalinnut Atuttaugiamut
- 2.3 Kanuk Namminiuttaugutet âkKisutauKattamangâta
- 2.4 Malittaugialet Nunamik Atugiamut
- 2.5 Iminik KanuttojuKagiaKangilak Nunagijaujummi
- 2.6 Namminiuttaumajut Nunait Pejaugunnaningit upvalu âkKisuttaulutik AngiKatigegutikkut
- 2.7 Kipiluttaugunnaningit Namminittâgumajut

ILANGA 3 SAKKITITAUNITSANGIT NUNATTÂGIJAUGUMAJUT AMMALU KUJANÂTTAUGUNNANINGIT KANUTTOGUTILET NUNALINNI KAUNSALENNUT

- 3.1 Pitsatunet Pittâtitsigiamik Iminik Kanuttogutilinnik Nunagijaujunni
- 3.2 Kanuk AngitigigiaKammangâta Nunattâgijaujut

- 3.3 Piusiugialet SâkKititaunitsanginnut Nunattâgijausot Kângejut Anginigigialinginnik
- 3.4 Kinugautet Namminik Kanuttogutilinnut Nunagijaujunni
- 3.5 Kanuilingausingit Ilumiutangit Kinugautiup
- 3.6 Kinugautet Nunamut Atugiamut Pannaigutet
- 3.7 Ilagiagutet Pigumajaunningit Kinugautinni
- 3.8 Pigiattauningit Kinugautiusimajut
- 3.9 AtuliaKinninga Pigiattauningita Kinugautet Nutâmut Nunattâgijaugumajumut
- 3.10 Kinugautet SakKititsiniangitut Kanuttogutigijaugialinnik Nunagijaujunni
- 3.11 kaunsalet IsumatsasiugutiKagiaKajut ammalu Kanuk pijuKagiaKammangât uKagunnalutik nunagijaujunni
- 3.12 AngiKatigegutaugasuanningit Piusiugialet AngiutiKagiamut
- 3.13 Ununnigigialingit pigumajaujut Angittaunitsanginnut ilingajuit Tunijaugunнанinginnut Tigumiagumanet
- 3.14 Malittaugialet Nunamik Atugiamik ammalu killiliuttausimajuni Malittaugialet
- 3.15 Nunamik namminiugutiKagiaKanginik Paigijaujuni Nunani
- 3.16 Ilonnatik Nunattâgijaugumajut Kaujisattaugialet
- 3.17 Ilonnatik Isumatsasiugutiujut, Attasinnit ammalu Akilittaugialet
- 3.18 kenaujaligijik tigullaigialik Akilegutaunuk
- 3.19 Nunalet takugunnaningit Kinugautiujunik
- 3.20 AkilejuKagiaKangininga

ILANGA 4 IMINIK KANUTTOGUTILET NUNAGIJAUJUNI

- 4.1 Iminik Kanuttogutilet Nunagijaujuni
- 4.2 Iminik Kanuttogutilet pittâgiaKangitut Nunaup Kângani Pivitsaugialinnik
- 4.3 Nunattâgijaugumajuk Tunijaugunнанinga Atâgut NamminiKagunnainimmut Nunagijaujumi
- 4.4 Nunattâgijaugumajut Tigumiattaugunнанingit Atâgut Iminik Kanuttogutiliup asinganik Tigumiattitaujop Taimailingainnagialik Nunagijaujumi
- 4.5 Malittaulagigiallet Attasinnimut
- 4.6 Malittaulagigiallet LaisinsiKannimut upvalu PigunnautiKannimut
- 4.7 Iminik Kanuttogutilet Malingatsiagiallet Nunamik Atugummanimut Pannaigutimmik ammalu Malittaulagigialinnik
- 4.8 Ilagiagutet Malijaugialet Piusiugialillu
- 4.9 Pittâtitsigunnannik

ILANGA 5 ITSASUANITALIGINNIK, ILUVIUPVIUKATTASIMAJUIT AMMALU INUIT SAUNIKUNGIT

- 5.1 Itsasuanitanik KinijattuKagiaKangilak Nunagijaujunni kisiani PigunnautiKalluni
- 5.2 ItijuKagiaKangilak Namminik Nunagijaujunnut Itsasuanitatsiugiattulutik

ILANGA 6 PAIGIJAUJUIT NUNAIT

- 6.1 Kanuk Paigijaujuit Nunait SakKititaumammangâta
- 6.2 Pidjutinga Paigijaujuit Nunait
- 6.3 PigiaKanginet ammalu Malittaugialet Paigijaujuni Nunanni
- 6.4 Nalillonet Iminik Kanuttogutilik AittutaugiaKangituk Paigijaujuni Nunanni
- 6.5 kaunsalet kamagialet Paigijaujunik Nunanik

**ILANGA 7 TUNJAUNITSANGIT AULATSINET AMMALU
KAMAGIJAUNITSANGIT NUNAGIJAUJUIT PRÂVINSIUP KAVAMANGANUT
AMMALU NUNATSIAVUT KAVAMANGANUT**

- 7.1 Tunijaunitsangit Prâvinsiup kavamanganut ammalu Nunatsiavut kavamanganut ilonnainut Angittauluni
- 7.2 Tunijaunitsangit Prâvinsiup kavamanganut ammalu Nunatsiavut kavamanganut AngiutiKatillugit Nunaliujuit
- 7.3 Aittotiunitsangit Attasinnet ammalu Pigunnaudet Prâvinsiup kavamanganut ammalu Nunatsiavut kavamanganut.

**ILANGA 8 ALLATAUNITSANGIT KINUGAUTET IMINIK
KANUTTOGUTIKAJUNIT NUNAGIJAUJUNNI AMMALU
ILJAUNITSANGIT AMMALU PETTAUNITSANGIT
NUNAGIJAUJUNIT**

- 8.1 Allatiujuk piulimatsigialik allataumajunik
- 8.2 Allatiup kamagigialingit kaunsalinni
- 8.3 Suliagigialingit Allatiup ilingajuit Nunagijaujunut
- 8.4 Allataunitsangit Iminik Kanuttogutilet Allatiujumut
- 8.5 Akilittutaugialet
- 8.6 Pisigiamut Akitsait ammalu Attasinnet
- 8.7 Pisiniagamajut Kaujitsigialet Allatiujumik
- 8.8 Suliagigialingit Namminiliup Pisiniagamajuk Kaujitsingippat Allatiujumik

**NALUNAITSIGUTIK A- Nalunaitsigutik Akilittutaugialinnik, Attasinninik ammalu
Akilijaugialinik**

ILANGA 1 ILONNÂGUT

Naittuk Taijugusik

- 1.1 Tâna Maligaliangujuk taijaugunnatuk Makkovik-imi Nunalet Nunamik
Aulatsigiamut MaligatsaKutinga.

Tukigijangit ammalu UKausittagijangit

- 1.2 Tâna pidjutigillugu MaligatsaKutiujuk, asiagut uKausiungipat allasimajuni, ukua malittut tukigijangit atuttaugialet;

“AngiKatigegutik” tukiKajuk Labrador Inuit Nunamik Satusinikkut AngiKatigegutinga;

“Kinugautilik” tukiKajuk kinatuinnak KinugautiKajuk;

“Kinugautiugutik” tukiKajuk Kinugautik iminik KanuttogutiKajunut atâgut allasimajop 3.4 ammalu ilautitsiluni Kinugautimmik nutângutitsigiamut, angilititsigiamut upvalu âkKigiatsigiamut iminik Kanuttogutigijajumut;

“Maligaliangujuk” tukiKajuk maligatsak upvalu malittaugialik ilijausimalluni kaunsaliujunnt ammalu ilautitsiluni tâtsuminga Maligaliangujumik;

“Allatik” tukiKajuk suliaKattisijuk upvalu suliaKajuk kaunsalinni tigujaumajumut kaunsalinnut Kangauligaippat atausiungitumik suliaKalluni ilingajunik aulatauninginnut Nunagijajuit atâgut tâtsuma Maligaliangujop;

“Nunagijajuk” tukiKajuk Inuit Nunanga Makkovik-imi;

“Nunalet Nunanga” tukiKajuk nunak namminigijajuk Makkoviup Inuit NanatuKait kavamanga amma ilautitsiluni nunamik tunijausimajumik Makkoviup Inuit NanatuKait kavamanga atâgut allasimajop 17.21.1 ammalu 17.38.2 AngiKatigegutimmi ammalu nunak taigataujuk allasimajumi 17.42.3 AngiKatigegutinga;

“Prâvinsiup kavamanga” tukiKajuk kiggatulini Atanimik Canada-mi ammalu Atanimik kiggatulluni Newfoundland amma Labrador;

“Nunaujuk” tukiKajuk Inuit Nunanga Makkovik-imi;

“kaunsalet” tukiKajuk Inuit Nunalet kaunsalinga Makkovik Inuit Nunalet kavamangani;

“nunamik atugiamik pannaigutik” ilautitsijuk nunamik atugiamik pannaigutik , killiliuttausimajuni Maligaliangusimajuni ammalu illuKapvisani Maligaliat, ammalu Nunalinni Panniagutet ammalu Pivallianimmut Maligatsait ilijausimalutik atâgut Prâvinsiup maligatsangitigut atuttaulittumut Nunagiajummi;

“nunattâgijausok” tukilik nunaujuk iluani Nunalet killigiudjaumajuk Kaujisattaunimmut iminik Kanuttogutilimmut sakKititaugialik upvalu iminik Kanuttogutiliup sakKijâgusigijanga;

“pigunnataujuk nunattâgijausop angininga” tukiKajuk Kanuk anginiKajutsaumangât pigunnautikkut nunamik atugiamik atâgut nunamik atugiamut pannaigutimmi;

“sakKijânginnatuk Kanuttogutik” tukiKajuk Nunaup Kângani Kanuttogutigijaujuut Nunalet Nunangani taigataujuk allasimajumi 17.42.3 AngiKatigegutimmi;

“sakKijânginnatuit NamminiKannet” tukiKajuk , pidjutigillugu ilangatuinnak, upvalu nunak iluani Nunagijaujuni, namminigijaujuk taikkua Prâvinsimi-kaunsalinginit taigataujut allasimajumi 17.42.1 AngiKatigegutimmi atuliaKinninganut;

“iminik Kanutogutigijaujuut” tukiKajuk Kanuttogutigijaujuk Nunalinni Nunak taigataujuk allasimajumi 4.1 ammalu sakKijânginnatuk Kanuttogutigijaujuk ilautitsigani sakKijânginnatumik namminiKannimik upvalu pivitsaugialinnik ammalu Kanuttogutigijaujunik Makkoviup Inuit NanatuKait kavamanga Nunagijaujuut Nunangani;

“paigijaujuut nunait” tukiKajuk Nunalet Nunanga;

(a) Paigijaujuk Nunak taigataujuk AngiKatigegutimmi;upvalu

(b) Nunaujuk paigijaujuk atâgut upvalu malittuk allasimajumik 6.1; ammalu

(c) Ilautitsiluni nunamik Nunangijaujumi paigijaujumut atâgut tilitjugutiup upvalu malittaugialiup âkKisuttaumalluni nunaligijinnut malillugu Prâvinsimi maligatsak atuttaujuk Nunalinnut;

“Prâvinsik” ammalu “Provincial” taijaungâgialik Prâvinsinga Newfoundland amma Labrador;

“Nunalik” tukiKajuk kinatuinnak Nunalik Nunagijaujummi;

“Nalunaikkutalik A” tukiKajuk Nalunaikkutait Akilitaugialinnik, Attasianik ammalu Akilittutaugialinnik atajunik tâtsumunga Maligaliangujummut taijaulluni Nalunaikkutalik A; ammalu

“âkKisimausik” ilautitsijuk illumik, nottatausomik illumik, amittajammik, bus upvalu asinginnik motakâkkut inggasonik, itsavinik, avalunnik, tungavimmik upvalu Kammamik atuttaugunnatunik âkKisuttauninginni, sanajaunninginni, ammalu maligialet âkKisimautitsanut ilautitsigani tupinik upvalu illuvigammik.

Iijauningit AngiKatigegutiup tukittagijangit

1.3 UKauset taigataungitut tâtsumani Maligaliangujummi tâvatuak taigataujuk AngiKatigegutimmi ammalu atuttaujut Maligaliangujumi tukiKajut taijausingititut AngiKatigegutimmi.

Atuttauninga AngiKatigegutiup tukigijanginni

1.4 Malillugu AngiKatigegutik ammalu allasimajuk 1.9, tânna maligaliangujuk ilinganiattuk ilonnainut nunannut Inuit Nunagijanginni Makkovik-imi. Nalunagunnaitillugu, tânna Maligaliangujuk ilingalungituk Inuit Nunanganut

Makkovik-imi atâgut allataujop ammalu kamagijaujumut Prâvinsiup kavamanganut upvalu Nunatsiavut kavamanganut.

Pivitsaugialet Nunagijaujunni kamagijaullutik Ilonnainut Maligatsaujunut ammalu tâtsumunga Maligaliangujummut

1.5 Nalunagunnaitillugu, malillugu AngiKatigegutik, pivitsagigialingit Makkovik Inuit Nunalingita kavamanga Nunalet Nunagijangani maligialet ilonnainik malittaugialinnik Prâvinsimi ammalu tâtsumani Maligaliangujumi.

Atugunaningit Nunalet Nunagijanganik

1.6 Malillugu allasimajuk 1.7, Nunalet pivitsaKajut itigiamik ammalu atugiamik Nunalet Nunaganik inuKangituappat ammalu pigumajaungitauppat iminik KanuttogutiKajunut.

Maligatsaujut ammalu Pejaugunaningit Pivitsait Atugiamik Nunalet Nunanganik

1.7 Pivitsait atugiamik Nunalet Nunanginnik atâgut allasimajop 1.6;

- (a) maligatsatâttaugunnatut atâgut ammalu malillugu allasimajuk atâgut 2.2;
- (b) ilautitsingittuk pivitsaugialinnik papvisâgunnatunik nunaup Kânganik Nunalet Nunanginni upvalu sukkuigunnatut Nunalet Nunanganik; ammalu
- (c) Kujanâtuinnalunnagu allasimajuit (a) ammalu(b), ilautitsingilat pivitsaugialinnik;
 - (i) sanagiamik, ilisigiamik upvalu ilisigiamik ilusitsamik iluani upvalu Nunalet Nunagijanginni;
 - (ii) sanallutik, ilusitsaliulluni, Kaujisalluni, upvalu akKusiniliulluni, atuttaugunnatumik, pitaKautitsamik, illuKapvisammik, mipvisamik upvalu mipvisammik Nunalet Nunagijangani;
 - (iii) sakKititsiluni aullaivitsamik upvalu kenaujaliupvisammik Nunalet Nunanginni;
 - (iv) ilisillutik upvalu notsilutik Nunalet Nunanginni anitatsanik; Kimataumajunik upvalu namminigijausmajunik, upvalu sunanik sujuigunnatunik;
 - (v) aggagatik, ujuganniagatik, Killânikittusiugatik, upvalu putogillutik Nunalet Nunanginni;upvalu
 - (vi) itsasuanitanik Kinijagatik, papvisâgatik itsasuanitattalinnik upvalu pitalinnik itsasuanitavininnik, aggagatik upvalu papvisâgatik Inuit iluviKapvinginnik upvalu atuttauKattasimajunik uppigusunnikut upvalu illigijanginnut Inuit, upvalu aggagatik inuit saunikunginnik.

Iminik Kanuttogutilet Nunalet Nunagijanginni

- 1.8 kisiani allasimajumepat 1.6, kinalonnet atugiaKangituk nunagijaujunik, pivitsaujunik, namminiKannimik upvalu KanuttogutiKannimik Nunalet Nunagijanginni kisiani nunagijaujunik, pivitsaujunik, namminiKannimik upvalu Kanuttogutigijaujummik;
- (a) sakKijânginnapat Kanuttogutigijaujuk;
 - (b) iminik KanuttogutigiKannik tunijausimappat kaunsalinniut malillugu tâna Maligaliangujuk; upvalu
 - (c) sakKititauppat iminik Kanuttogutilimmut tunijausimajumut kaunsalinnut malillugu tâna Maligaliangujuk.

SakKijânginnatuit NamminiKannet Nunanik iluani Nunalet Nunagijanginni AtuttauniKaniangitut.

- 1.9 kisiani asiagut uKausiuppat, sunalonnet tâsumani Maligaliangujumi attuiniKaniangilak nunamik iluani killiliuttaumajuit Nunalinni tigumiajaujunut atâgut sakKijânginnatuni namminiKannini.

ILANGA 2 AULATAUNITSANGIT NUNALET NUNANGIT

kaunsalet kamagialet Aulatsinimmik

- 2.1 kaunsalet kamagialet aulatauninginnik Nunalet Nunangit ammalu tâna Maligaliangujuk Kangauligaippat ilisigunnatut atausimik ununnisanillonet suliaKattinik kaunsalinni suliaKagiaKatillugit ammalu pusiKagiaKattilugit tâsumuna Maligaliangujukut Allatiujummut.

Kanuilingausitsait Nunalet Nunanga Nunalinnut Atuttaujutsauluni

- 2.2 kaunsalet pigunnatut, pikKujaugusikkut, âkKisuillutik Nunalet Nunanginni atuttaujutsautillugit Makkovik Nunalet kavamanginnut Nunalet pidjutigillugit.
- 2.3 Kanuilingausitsanga Nunalet Nunangani atâgut allasimajop 2.1:
- (a) pittaKatitsingikkaluappat upvalu nukKangatitsiniangituk upvalu tunijaunitsanginnik iminik Kanuttogutiliup Nunalet Nunagijangani;
 - (b) âkKisuttaugunnatut Kaujisattaungikkaluapat nunaujuk Kanuilingajutsaumangât
 - (c) KângigiaKangituk 2 hectares kisiani, KângittitaukKâtinnagu pikKujaugusik, Kinugautiujuk ammalu killiliuttaumajut ammalu atugummanet nunamik uKausiKasimakKâtinnagu Nunalinnut maggoni wogenni ammalu katimatitsiKâtinnagit kaunsalet uKâlautautillugit Kinugautiujuk ammalu isumatsasiugutaulluni nunalinnut tunijausimajut Kinugautet;
 - (d) Nalunaisigialelet killiliuttaumajunik upvalu nunamik atuttaugumajumik upvalu atuttauniattumik âkKisuisimajuKalippat nunanik; ammalu
 - (e) nukKangatitsigunnalutik upvalu maligatsaliullutik atugiamut nunanik asiangungittumik allasimajumi 1.6.

Maligatsaliunnik Nunait Atuttaunitsanginnut

2.4 Nalituinnait atuttauningit kaunsalinnut Nunalet Nunanginni, ilautillugit nunait killigiudjaumajut atâgut allasimajop 2.2, malingagialet maligatsaujunik ammalu nunamik atugiamut pannaigutimmik.

Iminik KanuttogutiKagianKangitut Nalunaittaumajuni Nunalet Nunanginni

2.5 Asiagut uKausiungipat allasimajumi 2.6, iminik KanuttogutiKagiaKangilak , sakKititaugumajunik upvalu tunijausimajunik pidjutautillugit Nunalet Nunangit nalunaittausimajut atâgut allasimajop 2.2.

Nalunaittausimajut Nunalet Nunangit Kipiluttaugajattut upvalu AkKisuttaulutik Malillugu AngiKatigegutet

2.6 Kujanâtuinnalunnagit allasimajut 2,5, kaunsalet pigunnatut;

- (a) pikKujaugusikkut ununninginnut ilonnainut ilaujunut kaunsalinnut upvalu asiagut KipilutsijuKappat Nunalet Nunanginni atâgut allasimajop 2.2, upvalu
- (b) pikKujaugusikkut kaunsalinnut sakKititsilutik attatitsinimmik, sakKuinnimmik, ilautillugu sakuinnimmut piKutinnik, ammalu laisinsinik ammalu itillutik angiKatigegutinnut aulataunitsanginnut ammalu kamagijaunitsanginnut Nunalet Nunangit atâgut allasimajop 2.2 sakKititsilutik attasinnimmik, laisinsinik upvalu angiKatigegutinik upvalu pidjutautillugu nunaujuk nalunaittaumajuk.

Kipiluttaugunaningit Nalunaittaugumajut

- 2.7 kaunsalet pigunnatut, pikKujaugusikkut, Kipilutsilutik nalunaigutimmik atâgut allasimajop 2.1:
- (a) nalunaittaumajuk Nunalet Nunanginni malingangipat sakKijânginnatumut Kanuttogutimmut taigataujumut allasimajumi 2.6 kisiani tigumiattuk upvalu ikajuttaugutilik Kanuttogutilik angiutausimappat Kipilunnimmik allasimatillugu;
 - (b) maggoni wogenni nunalet Kaujimattitautillugit Kinugautimmut pikKujaugusimmut; ammalu
 - (c) katimajuKatillugu kaunsalinnut uKâlautautillugit Kinugautiujuk Kipilutsigiamik ammalu isumatsasiugutiKallutik sunanik isumagijaujunik pitâgijausimaunut nunalinnut pidjutautillugu Kinugautik Kipilutsigiamut.

ILANGA 3 SAKKITITAUNITSANGIT NUNATSAIT AMMALU PEJAUGUNNANINGIT KANUTTOGUTIGIJAUJUT NUNALET NUNANGANI KAUNSA LINNUT

Pitsatunet Tunitjigiamik Iminik Kanuttogutilinnut Nunalet Nunanginni

3.1 kaunsalet pigunnatut malililugu tâna Ilanga, sakKititsilutik, upvalu pititsilutik sakKititaunitsanginnut, nunatsait ammalu iminik Kanuttogutilet nunagijanni Nunalet piusiKagiaKatillugit ammalu maligatsaKatillugit pigiattaumajunut, sakkutaumajunut, nunalet pivitsagigialinginnut kaunsalet pikKujippata ammalu, malillugu tâna Maligaliangujuk, isumatsasiugutiKallutik akilegutaugialinnik, attasinnimut, upvalu asinginnik akilegutaugialinnik kaunsalet isumagijanginnut.

Anginigigialingit Nunatsait

3.2 kaunsalet sakKititsigiaKangitut nunatsaujunik anginitsanik pijaugunnatunik nunatsanik upvalu tunitjigatik Kanuttogutiujunik nunanik anginitsaujunik pitâgijaugunnatunik nunaujunik.

Piusiugialet SakKititaunitsanginnut Nunait Anginitsautillugit Anginigigialinginnik

3.3 IsumatsasiugutigikKâlugu Kinugautiujuk atâgut allasimajop 3.4, kaunsalet isumaKappata piunippauninganik Kanuttogutiujuk Nunalinnut sakKititsilutik nunamik anginitsamik pittâgijaugunnatumik, taimâk pigunnatut Kujanâtuinnalunnagit allasimajuit tâtsumani Maligaliangujumik;

- (a) angiutiKakKâgatik Kinugautimmik, maggoni wogenni nunalinnik Kaujimatitsigialet piusigigumajamminik sakKititsigiamut nunatsaujumik anginitsamik nunattâgijausomik; ammalu
- (b) isumatsasiugutiKasimallutik Kimmigutaugialinnik pitâgijausimajunik nunalinnit pidjutaujumik.

Kinugautet Iminik Kanuttogutilimmut Nunalet Nunangani

3.4 kinatuinnak iminik Kanuttogutilik nunamik Nunalet Nunagijanginni upvalu tusugutiKajuk nutângutitsigiamik, angilititsigiamik upvalu Kujanâllugu iminik Kanuttogutiujuk Nunalet Nunagijangani upvalu sakKijânginnatuk Kanuttogutigijaujuk KinugautiKagialet kaunsalinnit.

Illumiutagigialingit Kinugautiup

3.5 Kinugautiujuk pitaKagialik

- (a) iluingasiattumik Kinugautiliup kinaumangât nalunaigutinganik,
- (b) Ininganik ammalu angininganik nunattâgijaugumajop,
- (c) Kanuittomangât iminik Kanuttogutigijaujuk,
- (d) Kanuk atuttauniamangât nunattâgijaugumajuk, ammalu
- (e) angiutiKasimalluni
 - (i) nunaujuk Kaujisattautilugu Kinugautilik akiletillugu ammalu iminik Kanuttogutiliup Kinugautigijanganik, upvalu, kaunsalet

- sakKititsisimagettillugit nunatsaugajattumik ammalu Kaujisagesimallugu, akilellutik kaunsalet akiligialinginnik Kaujisagamut,
- (ii) akilellutik ilonnainik isumatsasiugutaugialinnik, attatuttanik, akiligatsanik, upavlu asinginik akilittaugialinnik kaunsalinut; amalu
 - (iii) malitsialutik piusiugialinnik, ammalu malittaugialinnik maligatsatigut upvalu angiutaullutik kaunsalinnut sakKititaunitsanginnut upvalu tunijaunitsanginnut Kanuttogutigijaujuit

Kinugautet Nunamik Atugiamut Pannaigutet

3.6 Nalunagunnaitillugu;

- (a) Kinugautilik tainna Kinugautigijanga malitsiagialik ilonnainik allasimagialinnik nunamik atugiamut pannaigutimmik; ammalu
- (b) nâmmasingijuKappat upvalu sulijuKangipat akungani nunamik atugiamut pannaigutimmi ammalu piusiugialimmi, upvalu malittaugilimmi pigunnautiujummi, atutitsinimmi, sakkuinimmi, laisinsiKannimi upvalu pigunnautiKannimi, nunamik atugiamut pannaigutik sâlaKaniattuk nâmmasingiutiujumik upvalu malingatsiangittumik.

Ilagiagutet Pigumajaugajattut Kinugautiujunni

3.7 (1) Ilagiallugu Kaujimajaugialet atâgut allasimajop 3.5, Kinugautik namminittâgumannimut upvalu attasigiamik namminiKagumannimut tallimani (5) jârini ununnisannilonet pitaKagialik pisigumannimik upvalu attasigumannimik, akiKatillugu upvalu attasijaugunnatillugu adjigetumik akitsamik Nalunaikkutalimmi A.

- (2) Kinugautik nutângutitsigiamut, angilititsigiamut upvalu asiangutitsigiamut iminik Kanuttogutiujumik, tainna Kanuttogutik killigiudjaudsiagialik Kinugautiujummi ammalu Kanuilingamangât, malittaugialet nutângutitsinimmut, angilititsigiamut upvalu asiangutitsigiamut, angilititsigiamut upvalu asiangutitsigiamut nalunagiaKangituk.

Pigiattauningit Kingautet

3.8 (1) Kinugautik pijagettausimalippat pigiatteugialik Allatimmut ammalu ilonnatik Kinugautiliup akiligialingit akilegutautillugit Allatimmut.

- (2) Allatiujuk Kipilugunnatuk Kinugautiujunik tainna Allatiujuk isumaKappat Kinugautet iluinganninginnik.

AtuliaKinningit Pigiattaunitsangita Kinugautet Nutâmik Nunattâgiamik

3.9 (1) Kinugautiliup nutâmik nunattâgiamik pigiatteusimalippat Allatimmut kinalonnet pigiatteugialikKangituk Kinugautiujumik namminittâgijaugumajumut nalinauttausimajumut

Kinugautilimmut atautsimi jârimi tainna Allatiujuk pittâsimaKaKâtillugu Kinugautimmik upvalu Kanuttogutigijaujuk angittausimappat, nalia sivullipautillugu.

(2) Kinugautilik senani takKini ullunganit Kinuagutiujuk pigiattausimakKâtillugu Allatimmut pijagesimagialik nunattâgijaugumajumik nâmmagijautillugu kaunsalinnut taikkua kaunsalet Kaujisasimangipata nunattâgijaugumajumik, ammalu atausimi jârimi ullunganit pijagegiamut ilonnanik kantrakkigutinnik, namminittâninnik ammalu allaKutet pigumajaugajattut kaunsalinnut ammalu Kinugautiujuk sakKititsigiamik nunatsaugajattumik ammalu pijagellutik Kanuttogutigijaujumik.

(3) Sunalonnet allasimajumi 3.9 (2) nukKangatitsiniangituk kaunsalinnik sakKititsigiamik Kanga pijagepvisammik pigiasinitsamut upvalu pijagennisammut âkKisimautitsamik nunattâgijaugumajummi malillugit malittaugialet sakKititsigiamik Kinugautiliup Kanuttogutigijanganik nunamik upvalu malillugu nunamik atugiamik pannaigutik.

Kinugautik SakKititsiniangituk Kanuttogutigijaujunik Nunalet Nunagijanganni

3.10 Asiagut allasimajutigut 3.9(1), pigiattauningit Kinugautiup nutânut nunatsaugumajunnut sakKititsiniangituk Nunalet Nunanginni ammalu sakKititsigiani, ilitatsiganillu, pikKujinnimik upvalu aittuigiamik pivitsaujunik upvalu atugiamik nunamik upvalu Kimaigani Nunalimmik atutsiagiamik pivitsaujumik allasimajumi 1.5.

kaunsalet Isumatsasiugialet ammalu kajusiutjilutik Ilonnainik Kinugautaujunik

3.11 (1) kaunsalet isumatsasiugutiKagiaKajut Kinugautimmik tapvainaunippâk pitagijausimatillugu Allatiujumut.

(2) Kinugautik nutâmik nunatsaujummik taikkua kaunsalet Kipilugunnatut Kinugautiujumik upvalu angiutiKallutik, pittaKatillugut pitaKatinnagillonet malittaugialinnik. kaunsalet Kipiluppata Kinugautimmik allasimagialet sunaumangât.

(3) Kinugautik Kaningiligiattaugumappat, nutângutigiana upvalu asiangutigiana iminik Kanuttogutuliup sakKijânginnatumi nunami kaunsalet pigunnatut malillugu AngiKatiegutik, Kipilulluni upvalu angiutiKalluni Kinugautimmik pittaKatillugu upvalu pittaKatinnagu maligialinik, kaunsalet Kipiluppata Kinugautimmik allasimagialet sumaumangât.

(4) Asiagut allasimangituni AngiKatigegutimmi pidjutigillugit sakKijânginatut Kanuttogutigijaujut, kajusiutigutik atâgut allasimajop (2) upvalu(3) Kipilugiamik Kinuagutimik pijagellagittuk ammalu Kimmigutaugunnagani upvalu ottugataugiallalani.

AngiKatigegataugasuanninga Piusiugialet AngiutiKagiamut

3.12 kaunsalet pigunnatut pittâtitsigiamik ilaujumiċ kaunsalinik upvalu Allatimmik angiKatigeKataugasuagiamut Kinugautilimmut pijagettaujutsautillugit malittaugialet amma piusiugialet ilinganiattut tusugijaujummur, ilautillugu isumatsasiugutaugialet, attasinnet, upvalu akilegutaugialet, ammalu Kaujittitsigiamut kaunsalinnik Kanuk pisimammangâta angiKatigegasuannet upvalu angiKatigegiamut malittaugialinnik piusiugialinnillu.

Ununnigigialingit Angiutauniappata Ilingajut Aittotitsait Tigumiajummur.

3.13 Malillugu allasimajuk 10.3.6 (e) Labrador Inuit PikKujatsuangani atâgut *Nunatsiavut PikKujatsuangata Maligatsanginni*, IL- 2005-02, kajusiutjaujuk atâgut allasimajop 3.12 angiutiKagiamut ammalu pejautitsigunnagiamut allaKutimmik tunitjigutinnik tigumiannimik Nunalet Nunagijanginni pigiasiaugialet pikKujaugusikkut ikajutsitaulluni ilonnainut kaunsalimeKataujunnur.

Malijaugialet Nunamik Atugiamut Pannaigutimmi ammalu killiliuttaumajuni Maligaliangusimajuit

3.14 kaunsalet angiutiKagiaKangituk Kinugautimmik upvalu sakKititsigatik nunaugajattumik upvalu tunitjigatik iminik Kanuttogutilimmut nunamik iluani Nunalet Nunagijanginni malingagajangitunik nunamik atugiamut pannaigutimmi.

NunattâjuKagiaKangininga Paigijaujuni Nunani

3.15 kaunsalet angiutiKagiaKangituk Kingautilimmik upvalu sakKititsigatik nunaugajattumik upvalu tunitjigatik iminik Kanuttogutilimmik nunamik iluani Nunalet Nunanginni kisiani nunaujuk Kaujisattaumalippat.

Ilonnatik Nunait KaujisattaugiaKanningit

3.16 (1) Asiagut uKausiungipat atâgut allasimajop (3) upvalu Maligaliangujop, kaunsalet angiutiKagiaKangituk Kinugautimmik upvalu sakKititsigatik nunatsamik upvalu aittuigatik iminik Kanuttogutilimmik nunamik iluani Nunalet Nunagijanginni kisiani nunaujuk Kaujisattausimalippat.

(2) Sunalonnet allasimajumi (1) nukKangatitsigunnatut Kaujisagiamik ammalu aviukKailutik Nunalet Nunagijanginni nigugutigillugit aulaitaunitsangit nunait nunalinnur, upvalu tigusigunnalutik akilegutinnik Kaujisagiamut tunitjijumit.

(3) kaunsalet pigunnatut pikKujaugusikkut aittuigunnalutik iminik Kanuttogutilimmik Nunalet Nunagijanginni tusugijaujuk attasinniupat, laisinsikkut, pigunnautikkut upvalu pijaunikkut akuniutigijumi tallimani jârini ikinnisanillonet, ilautillugit ilonnatik nutângutitsinet, ammalu kaunsalet nâmmasiutiKappata nunaujuk tusugijaujuk sakKijânginnaniappat killiliuttaumagani sakKititausimajukkut Kaujisannikut.

Ilonnatik Isumatsasiugutaugialet, Attasinnet ammalu Akilettaugialet Akilennikut

3.17 Ilonnatik Kinugautilet iminik Kanuttogutilinnut Nunalet Nunalinginni akilegialet isumatsasiugutaunninginni upvalu akilegutiugialinni Nalunaikkutalimmi A, sivungagut kajusiutjauKâttinagu tusugijaujok.

Allatik TigullaigiaKanninga Akilegutinnik

3.18 Allatiujuk tigullaigialik ilonnainik akilegutiujunik, attasigutiujunik ammalu akilittutaugialinnik iluanejunik Nalunaikkutaliup A pillugit Kinugautet ammalu tunijaujuit tusujulinnut KanuttogutiKannikut atâgut tâtsuma Maligaliangujop ammalu kinalonnet pigiaKangituk upvalu pigunnatitsiluni tigullaigiamut akilegutinnik sollu kenaujanik upvalu pitâgiaKagani akilegutiusimajop nalunaikkutanganik.

Nunalet Takunnaningit Kinugautiujunik

3.19 Nunalet pigunnatut, akilittaumatillugit aulatsijinnut akilegutet taigataujut Naluniakkutalimmi A, takunnalutik allatausimajunik Allatimmut ammalu aulatauninginnut Nunalet Nunalinginni suliaKavvet sitondet ammatillugit sakKititaumallutik Maligaliatigut Kanuittailitillugit, papvisâtaugiaKatinnagit ammalu siammataugiaKatinnagit.

AkilejuKagiaKangininga

3.20 Nalilonnet Makkovik Inuit Nunalet kavamanga upvalu suliaKattigijangit Makkovik Inuit Nunalet kavamangani akilegiaKangituk pasijaugutimmut, sukkuisimannimut asiagullonet, pidjutautillugit kamagijaunitsanginnut upvalu isumatsasiugutaunninganut Kinugautiujuk iminik Kanuttogutilinnut Nunalet Nunagijanginni, aulatauninginnut ammalu kamagijaunninginnut Kinugautet ammalu aulatsininginnut Nunalet Nunagijangit, atuniKatsianikkut Kagitaujatigut, upvalu asinginnut plususimajunut atâgut pitsatuningagut tâtsuma Maligaliangujop.

ILANGA 4 IMINIK KANUTTOGUTILET NUNALET NUNAGIJANGINNI

Iminik Kanuttogutilet Nunalet Nunagijanginni

4.1 kaunsalet pigunnatut, angisimagutik Kinugautimik, sakKititsilutik, notsilutik upvalu aittuilutik malittunik tusugijaujunik nunanik iluani Nunalet Nunagijanginni;

- (a) Tigumiagutimmik namminiKannimut;
- (b) Inogusiujuumi namminigijaujuit;
- (c) Attasinnet;
- (d) Laisinset ammalu pigunnautet iniKagiamut upvalu atugiamut;
- (e) Sakkutait, ilautillugit pivitsait akKusiugiamut ammalu atugialinnik; ammalu
- (f) angiKatigegutet.

Iminik Kanuttogutilet Nunaup Kânganejunik

4.2 Kanuttogutiujuk upvalu suna taijaujuk allasimajumi 4.1, uKâlautautitsiniangituk, upvalu ilautitsiluni sunanik pivitsaujunik, namminiKannimik upvalu KanuttogutiKannimik iluani upvalu ujuganniagatsanut, Killânikittutalinnik, pigiatumajunik, sanganguagatsanik upvalu asinginnik nunaup Kânganejunik piviannatunik upvalu itsasuanitagalannik.

Nunait Tunijauningit Atâgut Tigumiannimut NamminiKannimut Nunalinnut
Pigijaugajagunnaitut

4.3 kaunsalet sakKititsipata, aittotiKappata, upvalu asiagut tunisigiamik namminiKannimik nunamik Nunalet Nunalinginnut, sakkutaulikKâtinnagit ammalu tunijaullutik aittotausimajumut allaKutinnik aittotausimannimut atitâgijunnt suliaKattinut kaunsalinni tigumiattauniagunnaitillugit Makkoviup Inuit NanatuKait kavamanga Nunalet Nunaginialittangani, nalunagunnaitillugu, nunaujuk sulli kamagijauniattuk Makkoviup Inuit NanatuKait kavamanga.

Nunait Tigumiattauput Iminik Kanuttogutilinnut Asinginnut Namminilinnut Nunalet
Nunaginiattanga

4.4 Nalunagunnaitillugu, nunaujuk tunijauniappat iminik KanuttogutiKajumut taigataujumut allasimajumi 4.1 asinga nunaup tigumiattauput namminigijaunginnaniattuk Makkoviup Inuit NanatuKait kavamanga Nunalet Nunaginiatangani sunait Kanuttogutigijauppata.

Kanuk AngitigigiaKammangât Attasinniuujuk

4.5 kaunsalet aittotiKagiaKangitut attasigutimmik, ilautillugit nutângutitsinet, akuniunitsaugajattut 99-nanik jârinik.

Kanuk AngitigigiaKammangât Laisinsiuujuk upvalu Pigunnautiuujuk

4.6 kaunsalet aittuigiaKangitut laisinsimik upvalu pigunnautinnik, ilautillugit ilonnatik nutângutitsiutet, akuniunitsaujut pingasunik jârinik.

Iminik Kanuttogutilet Malingagialet Nunamik Atugiamut Pannaigutimmik, ammalu
Maligatsaujunnik

4.7 kinatuinnak iminik KanuttogutiKajuk, ilautillugu namminiKannik, malingagialik nunamik atugiamut pannaigutimmik ammalu ilonnainik Maligaliangujunnik ammalu nalillonet iminik Kanuttogutiujuk atuttaugiaKangilak malinganiattinagit nunamik atugiamut pannaigutimmik upvalu apviatitsiniattumik Maligaliangujummik.

Ilagiagutet Malittaugialet ammalu Piusiugialet

4.8 kaunsalet sakKititsigunnatut, atâgut allasimajuit sakKititsigiamik iminik KanuttogutigijaujmiK Nunalet Nunagijanginni ammalu ilagiallugu malittaugialet upvalu piusiugialet sakKititauluasimajut atâgut tâtsuma Maligaliangujop, asigiallinginillu, pigiattaumajunik, sakkutaumajunik, pigunnangiutinnik, malittaugialinnik piusiugiaKajunillu kaunsalet isumagippauK Kanuittailigutitsangit Nunaliujuit, paigijaunitsanganut Avatiujuk Nunagijaujumi, ammalu atuttauniattut nunaujummi.

Sakkuinet

4.9 (1) Sakkuinik sakKititaugunnatuk ammalu tunijaunialluni atâgut allasimanningagut kaunsalet pidjutautillugu Nunalet Nunagijangit ilautillugit Nunalet Nunagijangit iminik Kanuttogutigijaujuit ilautinnagit nalugunnanik nunajunik namminigijaujunik.

(2) kaunsalet sakKititsipata upvalu tunitjiniappata sakkuigutinnik atâgut allasimajop (1) kaunsalet Kinijagialet angiutiujummik namminilimmut Nunalet Nunagijanginni attutauniKagajattunut sakkuinimmut namminiliujuk atâgut attasinniup akuniunitsauniappata tallimanik jârinik.

(3) Sunalonnet tâtsumani Maligaliangujummi nukKangatitsiniangituk Nunalet Nunagijanginni sakKititsigiamik, aittuigiamik, upvalu aittotiKagiamik iminik Kanuttogutilimmik malillugu sakKijânginajut sakkuigutet.

(4) Namminilik attasinnimmut Kanuttogutimmik Nunalet Nunagijanginni tallimani jârini ununnisanillonet pigunnatuk, allasimatillugu, tunitjipata sakkuigutimmik angutiup annaulonnet nunagijangani allasimatillugit anginnimik kaunsalet maligatsaKatillugit ammalu piusiKagiaKatillugit sakkuigutinnik iminik pikKujituagutik.

(5) kaunsalet angiutiKasimappata aittuigiamik sakkuigutimmik atâgut allasimajop (3), sakkuinik attutauniKaniangituk pejaulippata attasinimmut namminiKannimik.

Ilanga 5 ITSASUANITALIGINNET, ILUVITSIVET AMMALU INUIT SAUNIKUNGIT

Itsuasinitannik KinijattuKagiaKangilak Nunalet Nunagijanginni PigunnautiKangikutik

5.1 (1) kinalonnet itsasuanitannik KinijagiaKangituk, papvisâgani itsasuanitattalimmik upvalu taimaittugalannik pittalimmik, aggagatik upvalu papvisâgigatik Inuit iluvinginnik upvalu uppiniKut atuttauKattasimajunik Inunnut, upvalu aggagatik upvalu papvisâgigatik inuit saunikunginnik Nunalet Nunagijanginni malinganiangipat iminik Kanuttogutiliup pittaKatinnagu:

- (a) pigunnautimmik tunijausimajumik Nunatsiavut kavamanganut ammalu
- (b) pigunnautimmik tunijausimajumik kaunsalinnut itisongugiamut Nunalet Nunagijanganut atuniallugu pigunnautimmik taigataujumik allasimajumi (a).

(2) Kinugautiujuk pigunnautittâgiamik itigiamik atugiamilonnet Nunalet Nunagijanganik atâgut allasimajop 5.1.(1)(b) pigialet, ilagiallugu atâni Ilanga 3 tâtsumani Maligaliangujumi, ilautitsilutik adjiliuttaumajumik pigunnautimmik taigataujumik allasimajumi 5.1(1)(a).

(3) kaunsalet pikKujigunnatut Kaujisattisigiamik atâgut allasimajop 3.16(1) angiutiKagiamik pigunnautimmik Nunalet Nunagijanganik atâgut allasimajop 5.1.(1)(b), maligatsaKaniappat pigunnautik, nunamik atuttauniattumik itsasuanitanik Kinijagiamut upvalu paigijaujumi papvisâttaugiaKangitumik.

Itisongugiak Iminik Kanuttogutigijaujumi Itsasuanitanik Kinijagiamut

5.2 (1) Tigumiajuk pigunnautimik tunijaumajumik Nunatsiavut kavamanganut pititsigunnatumik pigunnautilimmik itsasuanitanik Kinijasongugiamut, papvisâgatic itsasuanitalinnik upvalu taimaittunik pittalimmik, aggagatic upvalu papvisâgatic Inuit iluvinginnik upvalu uppinnikut atuttakattasimajumik Inunnut, upvalu aggagatic papvisâgatillu inuit saunikunginnik ilunai Nunalet pittâgialik pikKujaugutimmik nunalimmut, upvalu iniKajumut, itigiamik nunamut kisiani pikKujaugusimagutik Nunatsiavut kavamanganut.

(2) Allasimajumi (1) iminik Kanuttogutigijaujumi tukiKajuk malingagialet sakKijânginnatumut namminiKannimut.

ILANGA 6 PAIGJAUJUIT NUNAIT

Kanuk Paigijaugialet Nunait SakKititauKattamangâta

6.1 Paigijaugialet nunait sakKititaugunnatut Nunalet Nunagijanginni;

- (a) Maligaliatigut;
- (b) Tilisippata kaunsalet; upvalu
- (c) pikKujaugusikkut atâgut allasimajop 2.2

Pidjutinga Paigijaunninginnut Nunait

6.2 Asiagut uKausiungipat Maligaliangujumi, tilitjigutimmi sakKititauninginnut paigijaugialet nunait, pidjutigijanga paigijaujop nunaup paigigasullugu avatiujuk ammalu pigugunnatuit tâtsumani nunaujummi.

PikKujinginet ammalu Malittaugialet Paigijaujuni Nunani

6.3 Maligaliangujuk, tilitjigutik sakKititauningani paigijaugialet nunait sakKititsigialik

- (a) killiliuttausimatillugit paigijaujuit nunait;
- (b) pidjutet nunait paigijauntingsannut sakKititaumajut adjiatingipat pidjutaujuni allasimajumi 6.2; ammalu

(c) pusiujut ammalu nunamik atugiamut nukKangautet paigijaujuni nunanni.

Iminik KanuttojuKagiaKangilak Paigijaujuni Nunani

6.4 Iminik KanuttojuKagiaKangilak upvalu tunijaugatit kaunsalinnut paigijaujuni nunani asianginginllu atâgut pigunnautiup pidjutautillugit paigijaujut nunait sakKititaugutingagut.

kaunsalet kamagialet Paigijaujunik Nunanik

6.5 kaunsalet :

- (a) kamagialet aulatauninginnut kamagijaunninginllu paigijaujuit nunait asingit sakKititaumajut Prâvinsiup kavamanganut upvalu Nunatsiavut kavamanganut; ammalu
- (b) angiKatigegutaugunnalutik Prâvinsiup kavamanganut upvalu Nunatsiavut kavamanganut ammalu ministerigijanginnut ammalu katutjiKatigenninginnut, sakKititsigiamik, aulatsigiamik ammalu paitsigiamik paigijaujunik nunanik.

Ilanga 7 TUNJAUNITSANGIT AULATAUNITSANGILLU NUNALET NUNAGIJANGIT PRÂVINSIUP KAVAMANGANUT AMMALU NUNATSIAVUT KAVAMANGANUT

Tunijaugutet Prâvinsiup kavamanganut ammalu Nunatsiavut kavamanganut Ilonnainut Angittaumagialet

7.1 kaunsalet pigunnatut allasimatillugit ilonnatik ilaujut kaunsalinut tunitjilutik Nunalet Nunagijanginnik aulataunitsanginnik ammalu kamagijaunitsanginnik Prâvinsiup kavamanganut upvalu Nunatsiavut kavamanganut maligatsaKatillugit ammalu pusiutsaKatillugit angiutausimallutik kaunsalinnut.

Tunijaugutet Prâvinsiup kavamanganut ammalu Nunatsiavut kavamanganut Angisimatillugit Nunaliujuit

7.2 Tunijaugutet atâgut allasimajop 7.1 KângegiaKangitut 10 hectares angisimakKâtinnagit Nunaliujuit Nunalinni killigiudjausimatillugu annigusunnikut.

Pittâgijaugunnanningit Attasigutet ammalu Pigunnaudet Prâvinsiup kavamanganut ammalu Nunatsiavut kavamanganut

7.3 Sunalonnet tâtsumani Ilangani nukKangatitsiniangituk kaunsalinnik tunitjigiamut namminiKannimik upvalu iminik Kanuttogutigijaujunik Prâvinsiup kavamanganut upvalu Nunatsiavut kavamanganut malillugu tâna Maligaliangujuk.

ILANGA 8 ALLATAUMANNINGIT KINUGAUTET IMINIK KANUTTOGUTILINNUT NUNALET NUNAGIJANGINNI AMMALU

âkKIGIATTAUGUNNANINGIT AMMALU SAKKUTAUGUNNANINGIT NUNALET NUNAGIJANGIT

Allatik piulimatsigialik allataumajunik

8.1 Allatiujuk piulimatsigialik allaKutinnik ammalu allataumajunik aulatauninginnut Nunalet Nunagijangit ammalu atâgut Maligaliangujop malillugu tâna Ilanga.

Allatiup kamagigialingit kaunsalinni

8.2 Allatiujuk kamagialik kaunsalinni;

- (a) piulimatsiluni nunalinni, mânnamut ammalu sulitsiatunik allasimajunik ilonnainik Kinugautiujunik Nunalet Nunagijanginni atâgut allasimajop 2.2;
- (b) piulimatsiluni nunalinni, mânnamut amalu sulitsiatunik allasimajunik ilonnainik Kinugautiujunik Kanuttogutilinnut Nunalet Nunagijanginni;
- (c) kamagijauninginnik ilonnainik Kinugautiujunik iminik Kanuttogutilinnut Nunalet Nunagijanginni ilautillugit Kinugautet isumatsasiugutausimanninginnik kaunsaliujunnut;
- (d) piulimatsiluni nunalinni, mânnamut ammalu sulitsiatunik allasimajunik ilonnainik kajusiutjaumajunik kaunsalinnut pidjutigillugit Kinugautet Kanuttogutilinnut Nunalet Nunagijanginni;
- (e) piulimatsiluni kaunsalet adjiliusimajanginnik ilonnainik Kanuttogutigijaujunik Nunalet Nunagijanginni; ammalu
- (f) piulimatsiluni nunalinni, mânnamut amalu sulitsiatunik allasimajunik ilonnainik âkKigiagutinnik ammalu sakkuininnik Nunalet Nunagijanginni âkKisuttaumajunik kaunsalinnut amalu ilonnainut Kanuttogutilinnut Nunalet Nunagijanginni.

Suliagigialingit Allatiup Ilingajuit Nunalet Nunagijanginnut

8.3 Allatiujuk pigiaKajuk:

- (a) pittâKattaluni ammalu kamalluni ilonnainik Kinugautiujunik Kanuttogutilinnut Nunalet Nunagijanginni;
- (b) âtingâllugit ilonnatik Kinugautet Kanuttogutilinnit Nunalet Nunagijanginni kaunsalinnut angittaujutsautillugit;
- (c) uKâlaKataullutik Kinugautilinnut kamagijaunitsanginnut ammalu angittaunitsanginnut Kinugautet Kanuttogutilinnut Nunalet Nunagijanginni;
- (d) pigumannikut, sakKititsilutik pikKujaliangujunik ammalu uKaudjigiallutik kaunsalinnik pidjutautillugit tunijaunitsangit pigunnaudet, laisinsit asingillu Kanuttogutilet Nunalet Nunagijanginni maligatsaKallutik piusitsaKallutillu;
- (e) Pidjutigillugit uKaudjigiannet ammalu pikKujinnit ikKatuijinnit ammalu angiatingut kaunsalet atuinngutjilutik aittotiuniattunik, attasinninik, laisinsinik pigunnautinnik, angiKatigegutinik asinginillu pigiasiutinnik Kanuttogutilinnut Nunalet Nunagijanginni malillugu tâna Maligaliangujuk; ammalu

(f) suliaKausiKallutik asinginnik tunijaugajattunut Allatimmut ilingajunut aulataunitsangit Nunalet Nunagijangit kaunsalinnut upvalu atâgut tâtsuma Maligaliangujop.

Allataunitsangit Iminik Kanuttogutilet Allatiujumut

8.4 kaunsalet tunitjiniappata namminiKannimik upvalu attasinnimik pingasunik jârini ununnisanillonet, Allatiujuk kamatsiagialik namminiKannik upvalu attasinnimik allatauninginnik AtiKapviujumi. Akitsangit atiliuttauniup aittotaumajop upvalu attasijop akilittaulutik Allatimmut angutik annalonet sakuilikKâtinnagit allaKutimmik upvalu AllaKutinnik AtiKapvimut allataujutsautillugit.

Akilittaugaugilet

8.5 Akitsait allasimajuit Nalunaikkutalimmi A, akilittaugialet KinugautiKattuKalippat ammalu sivungani tunijaulikKâtinnagu Kanuttogutiujuk.

Pisinnimut Akitsait ammalu Attasinnet

8.6 Pisiniagamut akitsait namminiKannimut amalu takKitigut attasinnet sakKititaugialet angiKatigennikut akungani Kinugautiliup ammalu kaunsalet sivungagut pijaulikKâtinnagit aittotet upvalu attasinnet, tâvatuak akitsanga akitunitsaugiaKangituk allasimajunik Nalunaikkutalimmi A ,kisiani, angiutaukKâtinnagu akikinnisak, kaunsalet maggoni wogenni nunalinnik Kaujimatitsigialet akikinnisammik ammalu isumatsasigutiKasimallutik pittâgijaugunnatunik nunalinnut tamanna pidjutigillugu.

Pisiniattut Kaujimatitsigialet Allatiujumik

8.7 kinatuinnak tigumiattuk nunamik killiliuttausimajuni Nunalinni atâgut tigumianniup upvalu attasinniup, ilautillugu kinatuinnak tigumiajuk sakKijânginnatumik namminiKannimik upvalu sakKijânginatumik KanuttogutiKannimik, aullaijuk, attasittisijuk upvalu tunitisjuk namminiKannimik allasimagialik aullaisimannimik, attasittisinnimik ammalu ilonnainik Kaujimajaugialinnik pisinnimut Allatimmut.

Suliagigialingit Namminiliup Pisiniajuk Kaujitsingippat Allatiujumik

8.8 kinatuinnak pittâniappat namminiKannimik nunamik iluani Nunalet asinganik pisijausimajop upvalu pisiniajuKangipat maligunnatumik allasimajumik 9.7, nutângulluni namminilik Kaujimatitsigialik Allatiujumik angutiup annalonet namminiKanninganik ilautitsiluni angutiup annalonet atinganik, nunangata tugâpvinganik, ammalu fonniup numaranganik.

SiammatitaugiaKangitut
14 September, 2007

AkKigiattausok
Maligaliangujuk Nunalet Nunanginni

NALUNAIAKKUTALIK A
*NALUNAIAKKUTAIT AKILEGUTINNUT, ATTASINNIMUT AMMALU AKILIGATSAIT
KINUGAUTET*

KANUTTOGUTIGIAUJUK KINUGAUTIK	KINUGAUTIMMUT AKILEGUTIK
1.pigunnautik upvalu laisinsik kamagijaungitunut	\$0.00
2.pigunnautik upvalu laisinsik kamagijaujumul	\$0.00
3.nunak atuttauninga kamagijaungituk	\$20.00
4.nunak atuttauninga kamagijaulluni	\$30.00
5.tigumiattaujuk upvalu namminigijaujuk	\$50.00
6.sakkutaumajut	\$50.00

ILAGIAGUTET

ILAGIAGUTET, NUNATIGUT	AKILIGATSAIT,ATTASINET AMMALU AKILEGUTET
1.pigunnautet laisinsik kamagijaujunut	\$0.00
2.pigunnautik laisinsik kamagijaujunut	\$0.00
3.nunamik atugiamut kamagijaungitumul Nunamut tallimani jârini Kângegani	\$20.00 takKitigut akilittutaulluni jârigitigut sivungagut
4.nunamik atugiamut kamagijaujumul Kângegani tallimani jârini	\$50.00 takKitigut jârikkut sivungagut akilillugu
5. nunamik atugiak kamagijaujumul Kângelluni tallimanik jârini	\$75.00 takKitigut jârikkut sivungani akilillugu
6.nunagijaujuk, kamagijauganik nunak	\$2,000 akilijaugiaKalluni tunijausimalippat Namminittâgutik
7.nunagijaujuk, kamagijaujuk nunak	\$4,000 akilijaugiaKalluni tunijausimalippat Namminittâgijaujuk
8.nunagijaujuk,kamagijaullagittuk nunak	\$5,500 akilijaugiaKalluni tunijausimalippat Namminittâgijaujuk
9.nunagijaujuk,kamagijaugani nunak	\$7,500 akilijaugiaKalluni tunijausimalippat Namminittâgijaujuk
10.nunagijaujuk, kamagijaulluni nunak	\$10,000 akilijaugiaKalluni tunijausimalippat Namminittâgijaujuk
11. tigumiattaujuk nunak kamagijaujuk	\$15,000 akilijaugiaKalluni tunijausimalippat Namminittâgijaujuk
12.sakkuinik	angiutaumalluni, malillugu AngiKatigegutik

SiammatitaugiaKangituk
14 September, 2007

Asiangutitausok Ottugautik
Maligaliangujuk Nunalet Nunanginni

AULATSINNET

- | | |
|---|---|
| 1.Kinijanninga Kagitaujakkut ammalu allasimajukkut Allatik | \$5.00 atikkut, nunakkut,
Kinugautikkut upvalu
Tusunnikut |
| 2.adjiliuttausimajuk allasimajunit, ilijaunet upvalu allKutet | \$0.25 paginâkkut |

Tukittagijangit atuttaugunnatut tâtsumani Nalunaikkutammi:

“kamagijauullagittut tukiKajuk nunat kamagijaujut ukununga malittunut: akKusinik upvalu akKutiujuk, anitatsajait;imait; Kuigiattuvet; ammalu ikumait; ammalu

“kamagijaujut nunait” tukiKajuk nunait kamagijaujut pingasunut: akKusinik upvalu pisupviusok; anitatsait;imait; Kuigiattuvet; ammalu ikumautet.